

四庫全書

集部

欽定四庫全書

御定歷代題畫詩類卷三十二目錄

古蹟類

觀蘭亭圖

唐李頗

題汪華玉所藏蘭亭圖

元虞集

蘭亭圖

元吳師道二首

方方壺崇山峻嶺圖

明吳寬

項洙處士畫水墨釣臺

唐方干

觀釣臺畫圖

唐徐凝

題釣臺障子

唐李頻

題伯時畫嚴子陵釣灘

宋黃庭堅

題瑩師釣臺圖

宋陸游

釣臺圖

元程鉅夫

和龍麟洲題黃次翁黃鶴樓圖

元劉詵

題黃鶴樓小景

明廖道南

題黃鶴樓圖

明張鳳翼

題黃鶴樓圖

明僧大圭

題竹樓小景

明廖道南

岳陽樓圖

元陳高

題孟珍玉澗畫岳陽樓小景

元楊維禎

小李將軍岳陽樓景

明程敏政

岳陽樓圖

明吳溥

滕王閣圖

元程鉅夫二首

題滕王閣圖

元貢師泰

題滕王閣小景

明廖道南

觀元丹丘巫山屏風

唐李白

寄巫山圖與林致一喻叔奇

宋王十朋二首

題巫山圖

宋賀鑄

韓無咎檢詳出示所賦陳季陵戶部巫山圖詩

宋范成大

巫山圖

元劉因

題巫峽圖

元吳澄

盧鴻草堂圖

宋蘇軾

盧鴻嵩山草堂圖

元吳鎮

王維終南草堂

元吳鎮

題趙祖文盤谷圖

宋呂居仁

題楊息軒盤谷圖

元王惲

題盤谷圖

元劉詵

劉平川盤谷圖

元貢師泰

題王鵬梅金明池圖

元鄧文原

金明池圖

元陳庭實

金明池圖

元王振朋

題金明宴遊圖

元黃潛

題金明池圖

元錢惟善

謹題王鵬梅金明池圖

元吳全節

題王鵬梅金明池圖

元張珪

昆明池圖

元程鉅夫

柴桑曉色圖

元吳師道

為凌郡丞題柴桑雅致圖

明王世貞

題城侍者剡溪圖

宋陸游

題瑩上人剡溪圖

宋陸游

與和甫時甫各題畫卷夔分得剡溪圖

宋姜夔

剡溪圖

明丘濬

題剡溪障子

明王世貞

老杜浣花谿圖引

宋黃庭堅

西塞山圖

元戴表元

跋藍關圖

元王惲二首

當塗郡有脫鞞亭以謫仙采石得名乃繪之圖而

贊以詩

元蘓爾約蘓哈雅

鄭谷圖

元虞集

首陽山圖

元范曄

醉翁亭障

元歐陽玄

汾亭古意圖

元張礎

題碧山圖

元金涓

題渭橋圖

明劉基

題東坡淮口山圖

明張以寧

題太白亭小景

明廖道南

代題六朝遺秀圖

明藍仁

芋蘿邨圖

明李日華

御定歷代題畫詩類卷三十二目錄

欽定四庫全書

御定歷代題畫詩類卷三十二

古蹟類

觀蘭亭圖

唐
李 頻

往會人何處遺蹤事可觀
林亭今日在草木古春殘
筆想吟中駐杯疑飲後乾
向青穿峻嶺當白認回湍
月影牕間夜湖光枕上寒
不知詩酒客誰更慕前歡

題汪華玉所藏蘭亭圖

元
虞 集

衡茅負晴旭有客至我門共披會稽圖山色盛繽紛衆
賢坐水次飛觴汎汎云夷曠各有趣高閒如右軍幽情
付後覽陳迹感前欣悠悠千載來不異更旦昏探穴問
神與望海悲秦君逝者皆如斯死生固奚云所以鼓瑟
人思從童冠羣春服沂新浴歸歎聊永言撫卷不知老
遐思在茲文東南極積水日暮多浮雲

蘭亭圖

二首

元

吳師道

京洛銅駝草莽深春風修竹滿山陰右軍憂國心如許

也伴蘭亭醉客吟

觴詠餘情落筆時
後來感慨已先知
山陰道士衣冠少
竹裏荒祠澗水悲

方方壺崇山峻嶺圖

明
吳寬

上清樓閣萬山中
百折丹梯鳥道通
我欲置身巖壑裏
白雲深處覓仙翁

項洙處士畫水墨釣臺

唐
方干

畫石畫松無兩般
猶嫌瀑布畫聲難
雖云智慧生靈府

要取功夫在筆端
潑處便連陰洞黑
添來先向朽枝乾
我家曾寄雙臺下
往往開圖盡日看

觀釣臺畫圖

唐徐凝

一水寂寥青霽合
兩崖崔嵬白雲殘
畫人心到啼猿破
欲作三聲出樹難

題釣臺障子

唐李頻

君家盡是我家山
巖子前臺枕古灣
却把釣竿終不可
幾時入海得魚還

題伯時畫嚴子陵釣灘

宋 黃庭堅

平生久要劉文叔不肯為渠作三公能令漢家重九鼎
桐江波上一絲風

題瑩師釣臺圖

宋 陸游

羊裘老子釣魚處開卷令人雙眼明未可匆匆便持去
夜牕吾欲聽灘聲

釣臺圖

元 程鉅夫

先生只合桐江老幸有生涯釣與農偶被羊裘勾引去

客星早已不相容

和龍麟洲題黃次翁黃鶴樓圖

元 劉詵

孫曹不戰何在大江千載狂瀾誰倚樓頭呼鶴秋風落日危闌

題黃鶴樓小景

明 廖道南

黃鶴飛來凌紫烟漢江春水碧連天懸知仙子登樓興多在紅雲帝座邊

題黃鶴樓圖

明 張鳳翼

一聲長嘯向蓬山，千歲桃花好駐顏。
只合獨騎黃鶴去，誤留仙蹟在人間。

題黃鶴樓圖

明僧大圭

仙樓縹緲隔蓬萊，黃鶴西飛竟不回。
倚遍闌干秋水濶，征帆一葉漢陽來。

題竹樓小景

明廖道南

竹樓高接月波樓，俯瞰澄江靜不流。
樓上何人披鶴氅，却令長夏變清秋。

岳陽樓圖

元 陳 高

巴陵地殊勝洞庭波縹緲層樓碧霄上雕闌綠樹邊想
像對圖畫遊觀阻風烟何由跨黃鵠憑高望遠天

題孟珍玉澗畫岳陽樓小景

元 楊維禎

岳陽樓上望君山山色蒼涼十二鬟
劍氣拂雲連翠黛
珮聲挑月過滄灣洞庭水落漁船上雲夢秋深獵客還
最憶老仙吹鐵笛馭風時復往來間

小李將軍岳陽樓景

明 程敏政

岳陽圖蹟重無金尺素何人手更臨
瓦布蛛絲憑錯綜
山呈螺黛欲浮沉
氣蒸波撼中唐句
後樂先憂一范心
閒指畫圖揩病目
臥遊情共楚雲深

岳陽樓圖

明
吳溥

昔年曾上岳陽樓
高宴湖湘五月秋
老去却從圖畫看
故人誰似舊風流

滕王閣圖 二首

元
程鉅夫

幾度滕王閣
凭闌看晚晴
西山與南浦
相送復相迎

佩玉鳴鑾地滕王說幾秋人間空畫本檻外只江流空
濟艱難業旁招俊乂儔太宗尤可念千古有瀛洲

題滕王閣圖

元貢師泰

雄城控華甸傑閣臨芳洲飛甍起千仞曲闌圍四周丹
碧何輝煌文采射斗牛帝子去不返頽仰經幾秋江黑
簾雨捲山青棟雲收孤舟天際來揚帆在中流狂飈薄
莫起坐覺增煩憂何當埽重翳白日輝神州開圖發長
歎天地一浮漚

題滕王閣小景

明
廖道南

懸臺飛閣入層空
彭蠡匡廬一望中
自是使君頻駐節
靈槎長犯斗牛宮

觀元丹丘巫山屏風

唐
李白

昔遊三峽見巫山
見畫巫山宛相似
疑是天邊十二峯
飛入君家彩屏裏
寒松蕭颯如有聲
陽臺微茫如有情
錦衾瑤席何寂寂
楚王神女徒盈盈
高咫尺如千里
翠屏丹崖粲如綺
蒼蒼遠樹圍荆門
歷歷行舟泛巴水

石潺湲萬壑分烟光草色俱氤氲溪花笑日何年發江
客聽猿幾歲聞使人對此心懸邈疑入嵩丘夢綵雲

寄巫山圖與林致一喻叔奇

二首宋

王十朋

圖畫巫山十二峯緘題遥寄舊遊從煩君仔細看山色
不似老夫歸意濃

數千里外共明月十二峯頭望故鄉我對此山無夢寐
夢魂只在鴈山傍

題巫山圖

潯陽張氏出此圖蓋
唐人畫庚申四月賦

宋

賀鑄

巫山彼美

原本闕

秀色發朝雲絢麗不可挹飄飄去無痕

楚夢一夕後蒼山秋復春日斷腸亦斷往來今古人

韓無咎檢詳出示所賦陳季陵戶部巫山圖詩仰
窺高作歎息彌襟余膏攷宋玉談朝雲事漫稱
先王時本無依據及襄王夢之命玉為賦但云
嬋嬋怒以自持曾不可乎犯干後世弗察一切
溷以嫫語曹子建賦宓妃亦感此而作此嘲誰
當解者輒用此意次韻和呈以資撫掌

宋
范成大

瑤姬家山高插天碧叢奇秀古未傳向來題目經楚客
名字徑度岷峨前是邪非邪莽難識喬林古廟常秋色
暮去行雨朝行雲翠帷瑤席知何人峽船一息且千里
五兩竿頭見旂尾仰窺仙館至今疑行人問訊居人指
千年遺恨何當申陽臺愁絕如荒邨高唐賦裏人如畫
玉色頽顏元不嫁後來飢客眼常寒浪傳樂府吹復彈
此事牽連到溫洛更憐塵轂有無間君不見天孫住在

銀濤許塵間猶作兒女語公家春風錦瑟傍莫為此圖
虛斷腸

巫山圖

元 劉因

朔風捲地聲如雷西南想見巫山摧江南圖籍二百年
一炬盡作江陵灰不知此圖何所得眼中十二猶崔嵬
猿聲髣髴餘山哀行雲欲行行復回神宮縹緲望不極
乘風御氣無九垓區區雲夢蹄涔爾豈知更有陽雲臺

題巫山圖

元 吳澄

生平想像高唐賦不識巫山十二峰忽有奇觀來眼底
一時疑似夢魂中

盧鴻草堂圖

宋蘇軾

昔為太室遊盧巖在東麓直上登封臺一夜繭生足徑
歸不復往巖壑空在目安知有十志舒卷不盈幅一處
一廬生裘褐蔭喬木方為世外人行止何須錄百年入
篋笥犬馬同一束嗟予縛世界歸來有茅屋江干百畝
田清泉映修竹尚將逃姓名豈復上圖軸

盧鴻嵩山草堂圖

元
吳
鎮

盧鴻仙居五百載一段高風未可攀忽覩草堂清絕處
分明几案有高山

王維終南草堂

元
吳
鎮

昔人謝政後生事此山中樹灑虛堂雨泉飛隔浦風喜
無舟楫至旋有鶴猿通應識無聲妙臨牕展未窮

題趙祖文盤谷圖

宋
呂居仁

趙郎落筆寫盤谷正是太平無事時今日太行那有此

滿山樵采盡胡兒

題楊息軒盤谷圖

元 王惲

石峪盤盤百畝蒿野烟秋色淡林舉雄文一出潮陽筆
頓覺山人索價高

題盤谷圖

廬陵郡幕賓盤所李君字長翁家藏盤
谷圖非必盤圖也志隱耳為賦長句

元 劉詵

千厓蒼蒼倒石懸老檜下瞰空濶森白根上有紫絡斜
下之瀑泉下有縹緲半出之牕軒忽然漁舟散浦溆疑

是秦人桃花之仙源叢林盡處長堤繞柳外沙邊行客
少汀烟漠漠不成雨汀樹疎疎似飛鳥依稀水檻知誰
家疑是唐人洗藥之仙沼問君此地何處尋可買不惜
捐千金君言此亦盤谷境我已先從畫中隱嗟君才氣
何堂堂胸藏霖雨未八荒平明走馬入黃閣日晏文書
紛鴈行我我奎章九天上白日旌旗下仙仗秋風插翮
高頡頏雖有此境何由往丈夫英氣多難攀九環寶帶
懷青山輞川野龍門灘會買青鞵待君還

劉平川盤谷圖

元 貢師泰

崇丘上峯堯絕壑下深曲繁誰發天巧水墨寫盤谷荒
溪繞層巔修薄翳空麓息陰動清興憑危引遐矚鮮飈
度長林冉冉雲相逐晨樵入薈蔚夕釣得漣綠方春蕨
薇生及秋禾黍熟低徊情乍舒展玩景逾縟我思古人
心雅曠良所欲終期駕鴻濛萬里一黃鵠

題王鵬梅金明池圖

元 鄧文原

溶溶春水戲羣龍畫鼓蘭橈競奏功得失等閒成愠喜

人生萬事奕棋中

金明池圖

元 陳庭實

天子淳風翊聖朝
瑤階常奏太平謠
縉紳文武風雲際
肯向龍舟奪錦標

金明池圖

元 王振朋

三月三日金明池
龍驤萬斛紛游嬉
歡聲雷動喧鼓吹
喜色日射明旌旗
錦標濡沫能幾許
吳兒顛倒不自知
因憐世上奔競者
進寸退尺何其癡
但取萬民同樂意

為作一片無聲詩儲皇簡澹無嗜慾藝圃書林悅心目
適當今日稱壽觴敬當千秋金鑑錄

題金明晏遊圖

元黃潛

危樓縹緲碧波中曲檻方櫺面面通雲氣傍花如欲雨
柳絲垂地不驚風千年華表人非是九奏鈞天樂未終
更有殘山并賸水煩君回首六樓東

題金明池圖

元錢惟善

金明池涌索駝虹駕幸瓊林歲歲同貔虎羽儀陳鹵簿

魚龍角觝戲珠宮樂游臺殿今成沼習戰旌旗昔蔽空
寂寞畫圖傳後鑑六飛回首塞池紅

謹題王鵬梅金明池圖

元 吳全節

龍舟疊鼓出江城送得君王遠玉京惆悵金明池上水
至今嗚咽未能平

題王鵬梅金明池圖

元 張珪

萬槩齊奔競出頭錦標奪得志應酬吳儂識此爭先著
一度贏來便可休

昆明池圖

元
程鉅夫

蒲萄踇醬叩竹杖萬里來自西南夷
瀾翻浪潏四十里
上林更鑿西滇池牽牛左蹲右織女
朝暮日月相吞吐
魚龍萬變世莫聞曼延百尋人豈覩
樓船笳鳴角觝張
千官劔佩鳴鏘鏘身毒叢爾猶阻絕
四表何以昭天光
君王好武古莫當海宇如此仍開疆
金隄楊柳秋風起
落日輪臺遺恨長憶昔世祖規南國
剡木為舟神莫測
江漢功成指顧間中天垂裳開八極
老臣撫卷重太息

可惜畫工描不得

柴桑曉色圖

元
吳師道

先生早賦歸來篇柴桑草屋以園田重華墳遠汨迸泉
聊復以酒陶其天野人田父相周旋偶失姓字寧非賢
清晨扣問來翩翩手中有攜壺負肩更進觴酌雜亂言
醉即麾去我欲眠氣韻太古羲皇前祇此自足垂千年
匡廬影落晴江邊故墟老木淒荒烟我嘗過之心惘然
是圖物色誰摹傳願起九原從執鞭

為凌郡丞題柴桑雅致圖

明 王世貞

陶令彭澤歸秋風何快哉與世既無營返服寧不諧
然一杯酒時送寒山來至今柴桑地遠高嚴陵臺矯
凌大夫清標冠時才半刺日翱翔車馬生紅埃展圖
三歎息欲往道疑乖應跡洵浮雲丘壑在軒階請以無
累衷契彼千載懷

題城侍者剡溪圖

宋 陸游

莫境侵尋兩鬢絲湖邊自葺小茆茨從今步步俱回櫂

不獨山陰興盡時

題瑩上人剡谿圖

宋 陸游

天地又秋風谿山憶剡中孤舟幸閒著借我訪支公

與和甫時甫各題畫卷夔分得剡谿圖

宋 姜夔

枯槎淖乾鵲交臂失夫君奈此一尊酒憑高空水雲

剡溪圖

明 丘濬

滿天風雲江漫漫我所思今在江干興來挈舟欲相訪

中塗興盡俄然還古來友誼敦信行情好在心寧論興
月梁夢覺動遐思夙駕遥遥千里命

題剡溪障子

明 王世貞

晉有王子猷風流掩前輩高屐郊公門挂笏馬曹歲歸
來百事稀種竹凡幾圍貪看鏡湖白坐失青山輝風吹
大空雪片片鏡中飛千巖鳥雀凍不喧田父墜戶壚頭
眠孤櫂蒼烟放歌去故人應在剡溪邊人間戴生寧易
得其若歸心浩然發空林無枝玉凌亂獨破寒流載明

月相逢稚子候荆扉東方漸高跡已微偶然適意差足
快千載何勞人是非誰為強被丹青色令予欲訪山陰
宅荻花茫茫不知路中夜披圖興肅瑟

老杜浣花谿圖引

宋黃庭堅

拾遺流落錦官城故人作尹眼為青碧雞坊西結茅屋
百花潭水濯冠纓故衣未補新衣綻空蟠一作
崢嶸胸中書

萬卷探道欲度羲皇前論詩未覺國風遠干戈崢嶸一作

終風且霾暗寓縣杜陵韋曲無雞犬老妻稚子且眼前弟妹

飄零不相見此公樂易真可人園翁溪友肯卜鄰鄰家
有酒邀皆去得意魚鳥來相親浣花酒船散車騎野牆
無主看桃李宗文守家宗武扶落日蹇驢馱醉起願聞
解鞍脫兜鍪老儒不用千戶侯中原未得平安報醉裏眉
攢一作清揚之間萬國愁生綃鋪牆粉墨落平生忠義今寂寞
兒呼不蘇驢失脚猶恐醒來有新作常使詩人拜畫圖
鳳膠續絃千古無

西塞山圖

元
戴表元

空中生業寄魚蓑雲是親情水是家便有蹤由無處覓
春風岸岸野桃花

跋藍關圖

二首

元王惲

潮陽英氣凜中天愁絕南荒瘴海烟不道生還陰有相
自陳哀表亦堪憐

晚風吹雪下關頭點綴行人去國愁展盡畫圖還自惜
七閩南下即湖州

當塗郡有脫鞵亭以謫仙采石得名乃繪之圖而

贊以詩

元 蘇爾約蘇哈雅

錦袍兮烏幘神清兮氣逸凌鑠兮萬象麾斥兮八極我
思古人兮李太白孰為使之朝禁林而暮采石也其天
寶之屢倖歟公則何所於欣戚

鄭谷圖

元 虞集

道士徐太虛生紙畫山居林壑春烟裏桑麻夜雨餘過
橋九節杖連屋一牀書似是子真谷歸耕三月初

首陽山圖

元 范梈

山漠漠兮谷逶迤中有二士形容飢問之不畲告者誰
在昔父死人致國弟讓兄辭俱去之一朝隱居北海北
去亂就治歸人師遇世偶有戰伐事叩馬垂血陳魏辭
君王知名臣義直直不退聽將疑為見兵不果事乃定
恥食其粟隱於斯終然飢死茲山下到今稱頌猶當時
白旄黃鉞不可追功業甚盛德甚衰救民水火事誠危
三綱一失誰扶持是以聖人表其怨謂彼仁者良由茲
首陽之墳高幾尺自古富貴埋沒野草空纍纍我欲酌

北斗薦以黃金卮展圖涕漣而此意畫者宜不知

醉翁亭障為南翁作

元 歐陽玄

長史琵琶皮作絃使君眉宇飲中仙滌山滌水渾堪畫
獨有風流意不傳

汾亭古意圖

元 張礎

漢家宮闕白雲秋魏國川原過鴈愁萬古松風一茅舍
不隨華屋變山丘

題碧山圖

元 金涓

嘗愛李太白興來棲碧山中別有一天地惜無圖畫
留人間誰為碧澄翁久向山中住栽花種柳待春風忽
見新圖識其趣青山淡淡雲離離小橋流水涵清漪抱
琴擇勝可終日安得似汝圖中時韓侯好詩仍好畫嗜
酒不憂官長怪欲圖李白碧山居酒禁方嚴筆如借知
翁有子舊曾遊淡泊無營心日休圖成漫與公為壽願
翁長樂無虞憂

題渭橋圖

明
劉基

百戰平城憤未銷
武皇赫怒屬天驕
可憐陵樹秋風後
貂帽駝裘拜渭橋

題東坡淮口山圖

明
張以寧

曾遊淮縣佩青綸
飽看東南第一山
烟雨十年詩夢外
風塵萬卷畫圖間
斜陽應照客愁滿
去鳥尚如人意閒
遙想月明春樹綠
蘇仙長化羽飛還

題太白亭小景

明
廖道南

牛渚焚犀事有無
峨眉亭外月輪孤
知君曾探驪龍穴

五色明珠照玉壺

代題六朝遺秀圖

明
藍仁

石頭城下轉孤蓬
滿眼興亡六代宮
吳晉山川非舊國
宋齊陵墓但秋風
犧牲不入諸天界
花月高歌永夜中
欲問漁翁渾不識
年年江上蓼花紅

苧蘿邨圖為謝苧蘿寫

明
李日華

奇絕山川是越中
萬峰烟翠濕芙蓉
雄圖秀色千秋事
領略終歸折屐翁

欽定四庫全書

御定歷代題畫詩類
卷三十二

十九

御定歷代題畫詩類卷三十二

欽定四庫全書

御定歷代題畫詩類卷三十三目錄

故實類

方方壺倉頡作字圖

元鮮于樞

堯民圖

元劉因

堯民圖

元王惲

堯民圖

元袁桶

題劉紫微堯民野醉圖

元元好問

堯民醉歸圖

元吳師道

擊壤圖

明楊慎

巢父飲牛圖

元王惲六首

許由擲瓢圖

元元好問

許由棄瓢圖

元劉因二首

許由棄瓢圖

明程敏政

巢由圖

元華幼武

題巢由圖

明張鳳翼

有虞鼓琴

元王惲

大禹泣辜圖

元王惲

題伊尹耕莘圖

元貢師泰

題傅巖圖

明丘濬

題磻溪垂釣圖

唐羅隱

題太公釣渭圖

明劉基

太公釣魚圖

明陳昌

渭水非熊圖

明程敏政

題牧野圖

明張鳳翼

題夷齊采薇圖

元錢惟善

采薇圖

元盧摯

幽風圖

元劉因二首

題幽風七月圖

明錢龍錫

幽風圖

明董其昌

旅獒圖

元王惲

題分金圖

明丘濬

寧戚叩角圖

元王惲

挂劍圖

明顧璘

聞韶圖

金楊雲翼

燕居圖

元劉因

題龍眠孔訪蓂弘

元程鉅夫

夫子去魯圖

元陸仁

夫子聽琴師襄圖

明陳顥

夫子學師襄琴圖

明姚綸

泣麟圖

明陳顥

孔子泣麟圖

明丘濬

曾點扇頭

元劉因二首

子路問津圖

元王惲

子貢見原憲圖

元鄭元祐

子貢見原憲圖

明呂憲

子貢見原憲圖

明班惟志

漢陰抱甕圖

金段成已

子期聽琴圖

元劉因

題招文攜琴圖

元歐陽玄

題交甫解珮圖

明楊慎

楚漁父渡伍胥辭劍圖歌

元傅若金

伍子胥渡江圖

明張寧

應制題王拙畫吳王納涼圖

元虞集

題吳王納涼圖

元陳旅

吳王納涼圖

元甘立

吳王夜宴圖

元真桂芳

題吳王納涼圖

明袁凱

跋范蠡歸湖圖

元王惲

題范蠡歸湖圖

元趙孟頫

范蠡歸湖圖

明程敏政

題范蠡泛舟圖

明張鳳翼二首

豫讓邀襄子圖

元王惲二首

田稷還金圖

明王珉

田稷還金圖

明謝實

田稷還金圖

明趙季行

田稷還金圖

明趙能

田稷還金圖

明李雍

田稷還金圖

明曹杰

跋堵間圖

元王憚

曳龜圖

元王憚

孫陽相馬圖

元王憚

題毛遂執劍圖

元周砥

題趙王夜宴圖

明袁凱

屈原卜居圖

元王惲二首

屈原漁父圖

明陳昌

伯時畫九歌

金趙秉文

九歌圖

元程鉅夫

書李伯時九歌圖後

元吳澄

題離騷九歌圖

元柳貫

來任卿去官歸蕭山愛元人九歌圖為作

明湯顯

祖

御定歷代題畫詩類卷三十三目錄

欽定四庫全書

御定歷代題畫詩類卷三十三

故實類

方方壺倉頡作字圖

元 鮮于樞

石間點筆撚吟鬚雄覽江山為發舒脫口欲令神鬼泣
臨池清逼右軍書

堯民圖

元 劉因

皐夔遺像凜猶存更比凌煙意氣真但使尊前有如此

不慚只作許由鄰

堯民圖

元王惲

日出漁田日夕歌蠶衣耕食樂天和細思歷象星辰外
帝力於人更有何

堯民圖

泰定甲子題

元袁桷

衢尊深酌舞蹁跹鼓腹行歌樂自然共道帝堯新紹運
九州重見上元年

題劉紫微堯民野醉圖

元元好問

蒼苔濁酒同歌呼白鬚紅頰醉相扶堯時皇質未全散
不論朝野皆歡娛望雲雲非雲就日日非日先秦迂儒
強解事極口譽堯初未識堯民與酒同一天此外更誰
為帝力仙老曾經甲子年戲將陳迹畫中傳山川淳樸
忽當眼迴望康衢一慨然不見只今汾水上田翁鞭背
出租錢

堯民醉歸圖

元 吳師道

騎行巾服俱非古儀狄以前誰飲醇寫出太平真樂意

陶然如此即堯民

擊壤圖

明楊慎

陶唐天子調八風鳳儀獸舞明廷中誰知鼓腹行歌者
復有山中擊壤翁短袖單衣露兩肘野狀邛容不自醜
掀髯笑傲肩相隨共道帝力我何有柳谷餞日暘谷賓
老翁那記晨與昏一作一息有出入時耕時鑿無冬春
藁英開殘又朱草生來未識平陽道海隅赤日燒九州
寰中息壤汨洪流已見天戈揮丹浦更聞風伯殪青丘

老翁其間百不憂直從紅顏到白頭君不見許由逃堯
勞步履巢父洗耳污清泚華封老人費言辭康衢小兒
強解事姑射丰姿雖可珍神仙髣髴信難真君看擊壤
千年後多少行歌帶索人

巢父飲牛圖

六首

元王惲

巢由真隱本同儔細論吾巢節更優老特渴來何所擇
徑須牽避是非流

濁泥常恐污吾牛特地駟來飲碧流縱使許由辭位去

汗顏終是對宸旒

耕田鑿井不知勞長恐逃名未得逃最喜帝堯平治事
一犁春雨滿江皋

徵庸禪讓兩無心驅飲時過碧澗潄若見後人牛喘事
入山惟恐不幽深

舜受堯傳兩不聞最憐牛力晚來新一鞭了却東臯事
潁水箕山分外春

苦訝箕山易所操雖辭堯讓匪吾曹桐江江上垂綸客

一樣清風萬古高

許由擲瓢圖

元
元好問

不知黃屋不知堯
喧寂何心計一瓢
我是許由初不爾
只將盛酒杖頭挑

許由棄瓢圖

二首

元
劉因

堯天萬古大無鄰
何地容君作外臣
莫占箕山最深處
後來恐有避秦人

人間洪水正橫波
堂上南風入浩歌
兩耳區區無著處

一瓢孰與萬幾多

許由棄瓢圖

明程敏政

心寂何妨響萬瓢
棄心生處勝狂濤
耳塵暫滅心塵起
却恐先生見未高

巢由圖

元華幼武

聞讓洗其耳
擇流飲其犢
如何跖之徒
貪心恒不足

題巢由圖

明張鳳翼

休論洗耳誰氏莫問棄瓢何年巢許自甘遯世唐虞豈

有遺賢

有虞鼓琴

趙霖筆

元王惲

述匹誰如帝子崇和鳴還與五絃同異時愠解吾民阜
本自君王正始功

大禹泣辜圖

元王惲

真淳氣散不復古科條漸似秋荼深道逢胥靡漣漣泣
灼見當時罪已心

題伊尹耕莘圖

元貢師泰

碧海晝沸白日淪禹鼎欲徙湯網仁長繩短垂行蹙躐
驅牛獨耕草野雪有時仰面一長吁青天漫漫風烈烈
身居畎畝堯舜心忍看民生墮昏沈乾坤闔闔係出處
幡然起作商家霖先農有詩亦有譜後世南陽詠梁父
題傳巖圖

明丘濬

何事君王感夢頻騎箕天上有星辰自從版築形求後
惟見丹青畫美人

題磻溪垂釣圖

唐羅隱

呂望當年展廟謨直鉤釣國更誰如若教生在西湖上
也是須供使宅魚

題太公釣渭圖

明 劉基

璇室羣酣夜璜溪獨釣時浮雲看富貴流水淡鬚眉偶
應非熊兆尊為帝者師軒裳如固有千載起人思

太公釣魚圖

明 陳昌

炮烙煙生醢鄂侯人心天命已歸周如何未入非熊兆
尚向磻溪下直鉤

渭水非熊圖

明程敏政

落日秋風渭水湄
天教西伯共心期
憑誰敢道鷹揚勇
鶴髮漁翁有此奇

題牧野圖

明張鳳翼

風塵高牧野殺氣暗全軍
百六當龍戰三千出虎賁
旌旗揮落日鼓角動寒雲
知有磻溪老鷹揚翊聖君

題夷齊采薇圖

元錢惟善

海濱二老共歸周
叩馬鷹揚似不侔
寂寞西山采薇後

清風未許屬巢由

采薇圖

元 盧 摯

服藥求長年孰與孤竹子一食西山薇萬古猶不死

幽風圖 二首

元 劉 因

畫裏春風在眼前詩中雅意若為傳憑誰更譜絃歌了
細味周家八百年

惟願將身入畫中野人何敢夢周公一區共買橫渠上
儘有新詩續正風

題幽風七月圖

明 錢龍錫

國本民生繫深思草昧存淳風懷瑾戶美俗寫朋尊卜
洛從何始承邵信有源艱難開聖主告誡切文孫拭目
丹青麗賡歌雅什溫思隨工瞽誦欣望闕虞門

幽風圖

明 董其昌

玉書金簡不足異布帛菽粟真文字宛委驚開先代藏
詩中盡繪農桑事憶昔章皇全盛時堯水湯乾德不知
千倉萬箱陳陳積祁寒暑雨誰其咨田畯女紅歌帝力

帝軫民艱情不極因披承旨圖
豳風親灑宸章賦閔農
田家作苦非一狀深耕薄獲何
熒熒犁頭風雨生綃幅
餘音散入春桑曲但識宮中錦
繡香爭知陌上蠶繰促
種苗鹵莽應無功提筐飼蠶勞
亦同天文似雨倉頡粟
機杼還凌雲漢工曾聞姬滿歌
黃竹明河霓羽紛相逐
詎舉三推占籍田肯憐四月新
絲熟大哉竹簡羽陵書
可信農桑足開國曲阜遺履烏
號弓精光噴薄摩玄穹
願將裝御連屏疊率祖彌增聖
道隆

旅焚圖

元王惲

厖然纖氎褐毛鮮閃閃蒼精照帝軒誰為此監揚得意
一言曾達漢文園

何人刺繡旅焚圖慘澹風煙較獵餘不寶珍竒安遠邇
至今人味召公書

題分金圖

明丘濬

多取不為貪多與匪云讓丈夫相知心豈在黃金上

甯戚叩角圖

元王惲

舜受堯傳老不逢商歌愁絕國門東小哉恨煞夷吾器
竟列齊桓五霸中

挂劍圖

明顧璘

延陵公子有道者義氣千秋動華夏去時寶劍心許君
死後仍來懸墓下白日青天一片心豈因生死惜千金
寄信反覆輕薄子三步腹痛休哀吟

聞韶圖

金楊雲翼

千古神交寄至音聞韶想見聖人心容聲便落筌蹄外

後學休從肉味尋

燕居圖

元劉因

伊川門外雪盈尺茂叔窻前草不除
要識唐虞垂拱意春風原在仲尼居

題龍眠孔訪蓑弘

元程鉅夫

聖人何常師小技亦有道至今圖畫中若聽文王操

夫子去魯圖

元陸仁

遲遲兮去魯居是邦兮爰念父與母臨沂泗兮未濟望

龜山今有渰其雨津則有舟兮車則在道先王軌轍兮
孰履其武道之不行兮命矣夫周旋天下

夫子聽琴師襄圖

明陳顥

蒼姬尚文治叔世生宣尼立教以垂憲天縱聖哲姿師
襄何許人冠裳肅威儀援琴得高趣揮手調朱絲悠悠
太古音不藉言與辭松陰白日永蕭瑟生涼颺一彈萬
慮息再彈心曠怡樂與二三子聽之忘神疲世遠不可
作此音知者稀撫圖三歎息長吟寄遐思

夫子學師襄琴圖

明姚綸

周衰樂廢缺正聲幾湮沈苟無獨識者世遠將焉尋所以孔夫子俛學師襄琴初彈猗蘭操再鼓文王音至和格鳥獸蹌舞娛人心此圖寫遺意高山流水深披玩發長慨視古猶視今

泣麟圖

明陳顥

詩亡春秋作姬政日就隳麟也本仁獸出焉非所宜夫子因感傷臨風涕交頤畫史載遺蹟千古興嗟咨方今

聖人出端拱致無為豈獨麟瑞世鳳凰亦來儀往事勿
復論作詩頌明時

孔子泣麟圖

明丘濬

麟之來也胡為哉宣尼一見掩袂哀因茲託始一王法
千年大義從此開吁嗟爾麟盍來生此文明世親際聖
人在天位若使宣尼重見之歡欣贊誦將何如

曾點扇頭

二首

元劉因

晉楚英雄管晏才當時真眼尚誰開狂生攜著魯兒子

獨向舞雩風下來

獨向舞雩風下來坐忘門外欲生苔
歸時過著顏家巷
說與城南華正開

子路問津圖

元王惲

轍環天下老於行
二子相忘不輟耕
休謂聖賢分二致
本來出處不同情

子貢見原憲圖

元鄭元祐

窮通由命不由人
結駟來窺甕牖春
富貴不淫貧賤樂

山青雲白水粼粼

子貢見原憲圖

明 呂 憲

賜誠不在原思下晚歲曾聞性命微未必駟車辭見後
始知貧富諂驕非

子貢見原憲圖

明 班惟志

貨殖雖師名退思容有辨如何司馬遷於憲却無傳

漢陰抱甕圖

金 段成已

鑿井為畦並漢臯區區抱甕不辭勞古人伎倆今人笑

舉世師師尚桔槔

子期聽琴圖

元 劉 因

琴瑟自吾事何求人賞音絕絃真俗論不是古人心

題昭文攜琴圖

元 歐陽玄

孺子攜琴未去弦兩翁山水偶相遭知音已置虧成外
到底昭文不鼓高

題交甫解珮圖

明 楊 慎

交甫之楚遊息影依喬木道逢兩仙妹逍遙漢臯曲星

宿綴明璫雲霞裝魅服婉孌蕩熒魂花豔驚凡目目隨
戰塵揚魂與芳風逐結夢擬陽臺交辭同阿谷榮華橘
是柚貞芳筍成竹江永不可方微波春自綠

楚漁父渡伍胥辭劍圖歌

元 傅若金

江有阻兮路有岐時將迫兮來何遲子弗渡兮我心悲
既渡子兮我何以劍為吁嗟行兮子毋我疑

伍子胥渡江圖

明 張寧

壯氣橫空欲吞楚半夜函關出號虎城中追騎若行雲

泉下孤臣淚如雨江頭立馬寒颼颼江神吐泣皇天愁
捐軀甘作異鄉鬼誓死肯忘同天讐何來父老傷羈阻
艤權招搖夜相渡百金寶劔辭不收萬石功名草頭露
雄兵一旦下吳臺楚國山河半草萊舊主已隨烽火遯
將軍猶入故宮來秦庭泣血昭王返白苧歌長越兵遠
夫差夜飲欲烹龍勾踐宵衣正嘗膽零落鴟夷百戰身
姑蘇麋鹿謾傷神君看楚郢鞭尸客應是吳門抉目人

應制題王拙畫吳王納涼圖

元虞集

雨過太湖上風生響屨廊紅綃拂几席白苧製衣裳朱
光淪厚地明月在高堂何以保玉體長年樂未央

題吳王納涼圖

元陳旅

吳王臺榭滿汀洲湖上風來暑雨收坐擁紅妝可娛老
市無赤米不教愁采蓮舟載煙岑晚響屨廊通水殿幽
歲暮甬東寧有此夜涼歌舞莫令休

吳王納涼圖

元甘立

六月長洲水殿涼酒酣揮袖倚新妝芙蓉露泠秋雲薄

回首西風響屧廊

吳王夜宴圖

元 真桂芳

銀漏迢迢夜未晨
管絃聲裏綺羅春
飲闌方擁名娃睡
豈料稽山正卧薪

題吳王納涼圖

明 袁 凱

微月斜侵響屧廊
芙蓉清氣滿金塘
鴛鴦只傍闌干宿
也愛君王水殿涼

跋范蠡歸湖圖

元 王 惲

霸越高勲土苴如五湖歸隱號陶朱扁舟共載西施去
却恐時人是厚誣

題范蠡五湖

元趙孟頫

功名自古是危機誰似先生早拂衣好向五湖尋一舸
霜黃木葉鴈初飛

范蠡歸湖圖

明程敏政

萬頃湖光足釣絲濟川功了乞歸時安流不用旌篙楫
斂手舷頭任所之

題范蠡泛舟圖 二首

明 張鳳翼

報吳小試計然謀不覺功成已白頭只與西施同載去
煙波隨地著扁舟

丰茸岸柳雜汀花煙水平湖處處家豈獨謀臣能拂袖
美人亦自厭繁華

豫讓邀襄子圖 二首

元 王 惲

智氏頭顱到溺旋趙襄謹避墮空然若圖伯也非常報
合有嘉謀在死前

一言感激命為輕
九死酬恩不為名
千古晉陽橋下水
不應嗚咽恨無成

田稷還金圖

明王珉

百鎰私金豈妄傳
展圖三歎憶當年
齊王若正田郎罪
千古誰知阿母賢

田稷還金圖

明謝實

稷子為卿受吏金
母心不納示恩深
旌嘉又賴君王賜
一段高情傳至今

田稷還金圖

明趙季行

秉鈞當國相齊宣何事貪私不赧然遺母只知金可奉
出金深賴母惟賢方慙請罪榮公賜豈料垂名玷史編
此日展圖重感歎君親恩義兩能全

田稷還金圖

明趙能

世人誰不重黃金難得慈親識慮深子孝母賢君有德
披圖三歎激人心

田稷還金圖

明李雍

齊宣千乘尊謨謀貴權利稷子位相國受金毒下吏嗟
哉田母賢質責能尚義子有遷善名君有懲勸志良心
易感發美政曷難致君臣務苟得甘受羸秦制社稷今
已墟母名恒不替

田稷還金圖

明曹杰

公私萬古可消沈位重黃金尚逆侵楊震四知終克已
田卿百鎰是欺心固因慈母賢如許原本闕致宣王義亦
深只恐史臣編不盡形圖畫軸迄如今

跋墻間圖

元王惲

乞食歸來意有餘
豈知內子涕沾襦
相逢半是墻間客
底用經營畫作圖

曳龜圖

元王惲

寓說瀾翻已自欺
更堪身世兩相遺
抱麟痛為東周泣
爭遣宣尼不及時

孫楊相馬圖

龍眠筆

元王惲

昭王墓老秋蕪合
虞坂人歸暮靄蒼
屈產何嘗無駿足

世間能有幾孫陽

題毛遂執劍圖

元周砥

六國爭雄勢若何紛紛劍客口懸河
合從不作尊王計
遂也何煩用力多

題趙王夜宴圖

明袁凱

玉戶金釭夜未央邯鄲宮裏奏絲簧
鄭姬已醉韓姬倦
誰拂君王白象牀

屈原卜居圖 二首

元王惲

用舍行藏聖有餘却從詹尹卜攸居乾坤許大無容處
正在先生見道疎

山林長往渺難攀死不忘君世所難邂逅去從詹尹卜
八方歷過果何安

屈原漁父圖

明 陳 昌

一從恩譴出鑾坡辭却襄王到汨羅漁父不知憂國恨
相逢但和濯纓歌

伯時畫九歌

金 趙秉文

楚鄉桂子落紛紛江頭日暮天無雲煙濃草遠望不盡
翩翩吹下雲中君九歌九曲送迎神還將歌曲事靈均
一聲吹入汨羅去千古秋風愁殺人

九歌圖

元 程鉅夫

瀟湘南下洞庭深無力能援楚國沈縱使九歌堪入畫
何人寫得放人心

書李伯時九歌圖

元 吳 澄

李家畫手入神品楚賢風流清凜凜誰遣巫陽叫帝閭

為招江上歸來瞰音紛紛音紛紛柱高辰遠聰不聞扶
桑初瞰海橫雲司命播物泥在釣洪纖厚薄無齊勻公
無渡公無渡衝雲起螭龜怒夜猿啾啾天欲雨天欲雨
送歸路歲晏山中採蘭杜靈修顧顧復去莫怨瑤臺神
女妒坎坎鼓進芳醕眈作蠻巫小腰舞千年往事今如
新摩挲舊畫空愴神騰身輕舉一回首楚天萬里江湖
春

題離騷九歌圖

元柳貫

紫貝東皇席青霓北斗旗
究觀神保意遑恤放臣悲
有客傳巴舞何人執簫吹
楚巫千載恨憑向畫中窺

來任卿去官歸蕭山愛元人九歌圖為作

明
湯顯祖

去意蕭然此大夫剡中溪谷世言殊傷心
漁父臨湘譜一似英皇泣舜圖

御定歷代題畫詩類卷三十三

欽定四庫全書

御定歷代題畫詩類卷三十四目錄

故實類

鞭石圖

元王惲

題邵平種瓜圖

宋李綱

題高皇過沛圖

宋方岳

高陽長揖圖

宋劉子翬

沛公洗足見酈生圖

元王惲五首

圮橋進履圖

明謝承舉

題蕭何夜追韓信便面

明林廷錦

四皓圖

金李獻能

四皓圖

元元好問

四皓圖

元王惲七首

畫四皓

元趙孟頫

題四皓圖

元吳澄

題四皓圖

元馬祖常二首

題商山四皓 元陳思濟

題四皓圖 元盧亘

題屏風畫商山四老人 元楊載

四皓圍棋圖 元黃潛

題四皓圖 元戴良

商山四皓圖 元李孝光

題四皓商山圖 元張翥

題商山圖 元黃玠

題馬遠畫商山四皓圖 元錢惟善

四皓圖 明陶安

四皓奕棋圖 明陶安

四皓圖 明高啓

四皓奕棋圖 明朱純

四皓圍棋圖 明蘇平

四皓奕棋圖 明劉師邵

題四老圍棋圖 明王守仁

四皓奕棋圖

明張志宗

題四皓圖

明張鳳翼

夢客攜商山四皓圖令余賦之

明王世貞

題四皓圖

明陳繼儒

張釋之諫文帝圖

宋劉子翬

伏生授書圖

元王惲

題伏生授書圖

元戴表元

伏生授經圖

元吳師道

伏生授經圖

元鄭元祐

題伏生授書圖

元吳澄

奉題伏生授書圖

元楊維禎

伏生傳經圖

明魯鐸

朱翁子負薪卷

元張翥

題買臣負薪圖

明陳達

買臣負薪圖

明劉泰

買臣秋樵圖

明程敏政

相如滌器圖

明唐寅

帶經圖

明廖道南

題帶經漂麥二圖

明高啓

高鳳漂麥圖

元王惲

張騫乘槎圖

元戴表元

題鄭昭甫張騫乘槎圖

明林鴻

乘槎圖

明朱諫

題乘槎圖

明僧妙聲

御定歷代題畫詩類卷三十四目錄

欽定四庫全書

御定歷代題畫詩類卷三十四

故實類

鞭石圖

元王惲

洋海求仙已渺茫
又鞭羣石駕飛梁
帝功不出仁和聖
罔念元來便作狂

題邵平種瓜圖

宋李綱

君不見伯成子高辭侯爵
在野終年自耕穫
下風趨問

禮徒勤俛俛田間事蕪落又不見於陵仲子推相位為
人灌園刈葵藿抱甕區區同漢陰不糝藜藿有餘樂古
來賢達有如此志趣未可常情度力辭富貴居貧賤凜
若霜風墮輕籜邵平本自侯東陵秦破國除休一壑當
時漢祖疑鄼侯置衛增封意非薄衆賓皆賀平獨弔一
言轉禍推先覺以茲智略佐風雲復取故封何所忤歸
來種瓜青門外灌溉鉏耰甘寂寞長安之東壤尤美翠
蔓離離照城郭秋陽正熾瓜正肥解衣摘實如俛鶴兒

童玉立形骨清挈笠攜筐助操作遂令世美東陵瓜身
後高名動寒廓屠販曾聞封絳灌奴僕後來興衛霍高
鳥已盡良弓藏更有韓彭辱囚縛何如終老守瓜畦自
飽飽他真不惡龍眠也是可憐人畫此端令事如昨世
間如畫畫如夢聊為作歌資一噓

題高皇過沛圖

宋方岳

芒碭真人赤龍子一劍入關秦鹿死黥王蒞醢過故鄉
仍冠竹皮相爾汝故人父老喜欲狂至尊含笑袍花光

酒酣擊筑自起舞歌聲悲壯雲飛揚此意今人棄如土
豈但當時沐猴楚君不見相如草檄西入秦蜀山憔悴
生煙塵

高陽長揖圖

宋
劉子翬

胡牀二女執巾裾長揖高陽舊酒徒不是蒼皇能輟洗
溺冠何異昔坑儒

沛公洗足見酈生圖

五首

元
王惲

氣折狂豪一洗間要令游士吐嘉言初從沛長咸陽帝

此術施來第幾番

嘖然洗腆孰為賓中隱炎劉四百春一說便能延上客
君王肯效婦人仁

包總縣區細故捐未妨揮洗酈生前一顰一笑非無謂
不似高皇氣馭權

落魄高陽一酒徒略除邊幅展雄圖桓門堅忍須臾去
長為東山出此模

布褐昂藏七尺身不容空老酒壚春風雲慘淡龍蛇際

首識隆顏亦可人

圮橋進履圖

明
謝承舉

皇極誰銷秦火餘
勛華消息竟何如
漢家事業空無補
每恨龍鍾一卷書

題蕭何夜追韓信便面

明
林廷錦

午夜松風蕩九圍
英雄何事任奔馳
可憐雲夢傷心處
應恨當年匹馬遲

四皓圖

金
李獻能

弋繒安足致冥鴻自是兼懷翊贊功
謾說壺關有遺老
望思臺上已秋風

四皓圖

元
元好問

身墮安車厚幣中白頭塵土浣西風
當時且不山間老
羽翼區區有底功

四皓圖

七首

元
王惲

尺一招來四老翁冥冥高興振孤風
少微不是門人像
調護前星最有功

人欲橫流不易攻留侯真是帝師雄笑將二老歸周意
翻作商巖羽翼翁

夜壑藏舟未厭深皎然松雪映高林閒雲終作從龍雨
唯有留侯識此心

山中日月到華胥澗飲芝餐樂自殊苦被留侯容不得
須教人彘事相污

事定歸來舊隱深皎然松雪映雲林寥寥高誼千年後
似覺元之最賞音

苦諫臣通已謾為一書光動紫巖芝後人只說安劉重
不道留侯策更奇

先生節義重邱山冠珮遙瞻漢嗣安莫以隱淪忘世論
一身歸結果何難

畫四皓

元
趙孟頫

白髮商巖四老翁紫芝歌罷聽松風半生不與人間事
亦墮留侯計術中

題四皓圖

元
吳澄

皓首出山來從容定儲宮儲王已御極論貴將誰同飄
然拂衣去詎敢貪天功飽茹石上芝坐蔭巖下松商巖
鬱嵯峨千載餘清風

題四皓圖

二首

元馬祖常

不聽高皇召還來太子宫阿嬰人彘禍吾恨紫芝翁
鴻鵠歌雖壯長門事可憂閒名紫芝客終不似巢由

題商山四皓

元陳思濟

引領望層顛遙見四老人蒼顏映綠水一一巖衣巾望

之即再拜重其古先民或云黃與綺於此避強秦至德
尚可想遐蹤浩無鄰翩然若儀鳳覽德翔秋旻亡國失
大老興邦得祥麟威容動黼扆問答何精神
原本闕
二字有
餘慶偏愛遂淪湮至今仰遺烈英氣猶振振

題四皓圖

元
盧 亘

姬昌聖瑞眉厥祖泰伯仲雍逃荆蠻坐令周歷過所卜
高風千古誰追攀惠皇畏廢出奇計四老昂藏趨殿陛
呂宗覆盡鼎再安玉璽神光歸代邸趙王枯冢生秋蓬

穀城黃石埋幽宮空山不聞紫芝曲白雲影沒南飛鴻

題屏風畫商山四老人

元楊載

飛雪灑遙野衝波蕩無垠蟠蟠山谷間居此四老人下
為民庶師上作王家賓清風渺何許馳想寂莫濱

四皓圍棋圖

元黃潛

當局沉吟只謾勞區區勝敗直秋毫顛羸蹶項非君事
賴有安劉未著高

題四皓圖

元戴良

欲向商山歌采芝白雲望斷不勝悲
高人只在丹青裏
滿鬢秋風共奕棋

商山四皓圖

元
李孝光

帝憂母主重廢嫡人料子房宜與謀
盟詎不虞高后劫
卑辭翻為建成籌
腹心已去悲歌起
羽翼雖成女禍留
俱墮術中曾不寤
先生輕出後人羞

題四皓商山圖

元
張翥

兵塵瀕洞繞函關不到商於六里間
赤幟頻傳秦楚蹶

白雲自與綺園閒
龍蛇陸起嗟何在
鴻鵠冥飛竟不還
千載高風無復見
空餘芝草滿空山

題商山圖

元黃玠

美宦少寧居良田多賦率
曼膚白如瓠仍防汙缺鑕
所以商山翁深逃入堂密
蔽芾皆美樅不覩長安日
揚揚大逢衣翦翦小第室
門巷既荒寒器具猶古質
渴即引井泉飢或餐木實
微我異臬鸞從人自見乙
平生紫芝曲久不屈此膝
巔着各皓然一為天下出

題馬遠畫商山四皓圖

元 錢惟善

已剖巴陵橘猶歌商嶺芝避秦非避漢一出繫安危

四皓圖

明 陶安

龍爭鹿走角功名眼底浮雲悟世情有地采芝身遠遯
無心執玉手平衡衣冠誤落留侯計帶礪愁聞漢祖盟
松下龐眉垂白雪至今泉石被光榮

四皓齊圖

明 陶安

安劉事畢返林丘當局機心老未休松下樵夫應暗笑

先輸一著與留侯

四皓圖

明高啓

高山深谷事悠哉
何事猶思太子來
擬向秋風歌一曲
紫芝黃鵠總堪哀

四皓奕棋圖

明朱純

一局殘棋尚未終
白頭何事到青宮
可應千里冥飛翼
却墮留侯智網中

四皓圍棋圖

明蘇平

共將聲迹遯巖阿靜裏看棋趣自多幾著消磨秦日月
一枰匡復漢山河溪邊夜雨生芳草谷口春風裊薜蘿
憶自寓形巴橘裏商於誰和采芝歌

四皓奕棋圖

明
劉師邵

雲霄萬里羨冥鴻曾為儲皇出漢宮數著殘棋猶未了
五陵松柏已秋風

題四老圍棋圖

明
王守仁

世外煙霞亦許時至今風致後人思却懷劉項當年事

不及山中一著棋

四皓奕棋圖

明
張志宗

何事山中閒奕棋
顏如丹渥鬚如絲
不將白眼看浮世
且向山中歌紫芝
歌紫芝心蕩蕩
羸秦殘忍知不知
若無張子房
安肯出彤墀
羽翼太子難動移
雖有矰繳將安施
扶弱安劉今幾時
畫中見之恍在斯
問之不答亦不顧
妙算還他一著奇

題四皓圖

明
張鳳翼

羽翼功成仗草萊不教丹詔下輪臺
留侯自有安劉策未必商山四皓來

夢客攜商山四皓圖令余賦之

明王世貞

尚憶商山聘千秋臥未深
兵戈留地肺羽翼轉天心
衰矣紫芝詠惜哉黃鵠吟
豈應龍變化來去杳難尋

題四皓圖

明陳繼儒

鬚眉皓白好疎頑何事相將入漢關
一片商山留不住終輸圯上老人閒

張釋之諫文帝圖

宋 劉子翬

擾擾椎埋徧九原因山獨有霸陵存孝文儉德雖天縱
亦賴忠臣効一言

伏生授書圖

元 王 惲

遺書灰冷散飛煙老喙重宣即粲然三策竟從名數說
潁川方寸殆虛傳

題伏生授書圖

元 戴表元

白頭不死見時清女子相依解授經何用生男作鼂錯

乃翁一語不曾聽

伏生授經圖

元
吳師道

老生抱百篇藏壁避暴秦漢興流亡定取視半不存二
十有八篇當時號令文苟非著簡冊文字何繇分無端
安國寬倡說異前聞並言本經失口授熟以馴承風競
接響誰復究其原寬也尤厚誣因圖略開陳生老不能
行故遣錯至門云何易其語謂不能正言諸生近齊魯
傳言豈無人奈何使女子此事決非真錯來止授冊豈

復書所云藉令書所云審視生必親唐儒更妄謬謂目亦眊昏痛哉百歲老幽壤抱冤沉想初二子意祇務孔壁尊以彼口傳訛非與吾書倫焉知反自累異說滋其根詆誹忍廢古悍戾恣紛紜此輩不自量按據為奇新但知快攻擊何曾精討論試看錯脫簡今古文所均口熟豈應爾完具必未焚此理最易察翫習常因循考古貴求是執要元不煩請誦馬班書毋為浪啾喧

伏生授經圖

元
鄭元祐

老無牙齒語音訛斷簡殘編缺字多不賴閨中賢弱息
帝王典則竟消磨

題伏生授書圖

元吳澄

後死寧非數能言豈必男如何掌故耳未了異方談篇
簡僅四七語音四二三可嗤千載下孔傳苦研覃

奉題伏生授書圖

元楊維禎

沙丘崩科斗藏典墳孰求楚左相金絲未壞孔子堂濟
南老生教齊魯繇絕禮生何足伍挾書嚴禁禁未開盤

詰誰能禁齊語百年禮樂當有興天子好文開太平百
篇大義喜有託十三女口傳嚶嚶太常掌故親往受百
篇僅遺二十九河內女兒還自疑老人屋中有科斗建
元博士孔襄孫五十九篇為訓文嘉唐悼樂空有詔孔
氏全經誰與論倪家書生能受學一篇薦上原非樸賞
官得列中大夫帝軌皇圖未恢擴漢家小康黃老餘烏
用司空城旦書蓋師言治在何處後世徒走陳農車

伏生傳經圖

明
魯鐸

祖龍火中書作堆阿房相繼為塵灰九旬老儒食漢粟
元自咸陽坑外面向來傳道心自許挾書律在無儔侶
太常掌故來何遲舌固猶存難正語閨中弱息諳聖謨
口相授受曾何拘刪書門下誰復在一女擬當三千徒
掌故心神只方策耳目何嘗滯聲色楚國雖亡見倚相
孔堂未上聞金石謾道方言多異同濟南不與潁川通
子襄科斗人不識考論文義終誰功天為斯文存一綫
漢人及見先生面吾今尚恨禮殘樂不傳當時試問寧

徒然

朱翁子負薪卷

元張翥

富貴危機解殺身是非千古付樵人當時長史魂應悔
不向山中只負薪

題買臣負薪圖

明陳達

海邦六月煩暑逼石牀晝臥紛華息清風颯颯自南來
恍然如入華胥國初醒頓覺日半斜簷頭幾陣蜂將衙
朗吟老子五千字漫酌盧生七椀茶敲門忽見東谿氏

手持一幅鷺溪紙云是晴沙遠遺之分明貌出朱翁子
憶昔登登伐木時行歌道路聲喑鳴豈徒不入駟僮眼
何當更被糟糠嗤五十功名未遲暮錦衣烜赫人如故
誰知此日除道夫却配當年棄夫婦朱顏闇淡應無光
後車同載空傍徨丈夫出處自有數悔把深恩一日忘
披圖誰不增感慨嗟彼女流何足怪不見翟公門下客
一貧一富知交態

買臣負薪圖

明
劉泰

家貧且作會稽樵擔在肩頭斧在腰出谷每煩明月送
入山何待白雲招松深濕翠沾書卷花近晴香撲酒瓢
千載榮歸憐去婦低回羞過覆盆橋

買臣秋樵圖

明
程敏政

西風蕭蕭振黃葉何處平原初罷獵會稽山下負薪人
倚樹掀髯亦豪傑一朝印綬懸其身白日照耀新朱輪
誰知擔上芸香冊只博人驚車馬塵

相如滌器圖

明
唐寅

琴心挑取卓文君賣酒臨邛石凍春狗監猶能薦才子
當時宰相是何人

帶經圖

明 廖道南

春園鋤罷惜分陰獨展遺經抱古心歷相三朝開兩府
却遺鴻業照詞林

題帶經漂麥二圖

明 高 啓

朝鋤東臯上暮鋤西陂側釋耒讀遺經欣然此休息因
觀舜稷事耕稼寧辭力

田中刈麥罷把卷忘其疲風雨忽云至千穗漂無遺於
書苟有得歲晏何憂飢

高鳳漂麥圖

元王惲

疾雷破柱雨翻盆甑墮何煩顧惜頻儻為把書都不省
先生應是太癡人

張騫乘槎圖

元戴表元

數尺枯槎底易騎海風吹浪白瀾瀾如今市上君平少
曾到天河也不知

題鄭昭甫寫張騫乘槎圖

明林鴻

衮衮黃河天上來，茂陵底事望蓬萊。
早知博望乘槎便，虛築通天百尺臺。

乘槎圖


明朱諫

仙人御風行，萬里九土茫茫盡。
煙霧張騫有術，却乘槎飄然直上天河去。
順流更欲下崑崙，霞衣又拂三珠樹。
莫將勝事論有無，直對芳樽詠佳句。

題乘槎圖

明僧妙聲

秋風駕洪濤靈槎中蕩搖
恍如乘船天上坐帝青九萬
無纖毫黃姑織女長相見
歸來空記當時面至今海與
銀河通何因再得相從容



御定歷代題畫詩類卷三十四